

վերա ձեր եւթնպատիկ, և լցուցէ զձեզ ամենայն բարութեամբ. Բարձցէ ի ձէնջ զամենայն ցասունս և զպատուհաս և զտարաժամ մահ. Տացէ ձեզ շինութիւն, անդորրութիւն և խաղաղութիւն, և ավագաց ձեր ի վերա քաղցրութիւն. բուսոց և ծառոց տնկոց այճողութեամբ և քաջ պտղաբերութիւն. պայճարեղէն անասնոց ձեր՝ անսղալ ծննդականութիւն և ամենայն բարեաց լիութիւն և առողջութիւն: Արասցէ և զբանաւոր երկիրդ ձեր գործնականս և արգենականս, գործել զարդարութիւն, և զամենայն գովելի տեսակս առաքիչ նութեան: Եւ արհնեսցէ զձեզ զամենեսեան առ հասարակ հոգևով և մարմնով. որպէս զի զառաւրայս բարեօք վայելելով, և երկնից թագաւորութեանն և արքայութեանն հասանիցէք ձերաւք ննջեցելաւքն, ընդ ամենայն Սուրբս, ի Քրիստոս Յիսուս ի Տէր մեր, որ է արհնեալ ամենայն ի յաւիտեանսն:

Ենորհեցաք և ի ձեռն արքեպիսկոպոսիս ձեր Տէր Գրիգորի՞ ձեզ պատուական պարգևս հոգևորականս, զեղն սուրբ աւժութեան՝ ըզսրբալոյս և զաստուածագործակ զտարբ Մեռնե, զոր Հոգիև Սուրբ արասցէ ի լուսաւորութիւն նորածնելոցն աւազանաւն յորդէգրութիւն Հաւրև երկնաւորի, և ի ժառանգակցութիւն Քրիստոսի յուսոյն մերոյ. զնոյնն ի ճակատ նշան հաստատութեան, և ի յաւժումն քահանայից, և ի նորոգումն եկեղեցւոյ: Եւ յամենայն ամի նոր առցէ ի մենէ, և զհինն ի նորն խառնեսցէ. ի փառս Քրիստոսի Աստուծոյ մերոյ:

Գրեցաւ զիր արհնութեան հրամանիս մեր ի մարմնաւոր ծնընդեան Յիսուսի Քրիստոսի ի ՌԳՃԿԳ (\* ) ամին, և ի Սրբոյն Գրիգորի ՌՂԳ ամի. և ի ԹՎիս ՊԺԳ, ի յամենանն յունվի. ԺԵ. ի մեր կաթաւորիկսութեանն՝ որ է ամ և կէս և ար ի (քսան): Եւ վասն առաւել հաստատութեան՝ իմով կամաւ ձեռնագրեցի ստորև մերով սովորական կարմիր ձեռնագրաւ. և կընքեցաւ վերոյ տիրական մեծ մատանաւ, կամաւք բարբերար մարդասիրին Աստուծոյ արհնելոյն յաւիտեանս և յաւիտեանս յաւիտենից. ամէն:

† ՄԵՍՐԱՒՊ ԵՆՈՐՀԱՒՔՆ ԱՍՏՈՒԾՈՅ ԿԱԹՈՂԻԿՈՍ ԱՄԵՆԱՅՆ ՀԱՅԱՍՏԱՆԱՅ

Կոստանդին կաթողիկոսի համառօտ գրածն ի ներքև Մեսրովպայ գրածին, ըստ իր ըսածին՝ « Գիր հոգևորական հրամանի արհնութիւնն է և » կրկին հաստատութիւնն », իր նախորդին վերոգրեալ կոնդակին. յորում կ'իմացընէ որ անոր ընտրած եպիսկոպոսն Գրիգոր՝ եկաւ առ ինքն, կոնդակն ի հետքը բերելով. Կոստանդին այլ ստորագրելով (Կաթողիկոս ամենայն Հայոց) ի ԺԵ յանուարի, ի Թուին ՊԻԳ (1375) կու հաստատէ զնոյն Գրիգոր յառաջնորդութիւն իւր թեմին, և օրհնելով զթեմականն՝ կու դարձընէ ի տեղն: Վիճակաց անուանքն այլ գրէ, Լով, Աշրտանիւր և Լուցկայ:

\* Թուականաց տասնորդական թիւերը՝ կամ հին կամ նոր ձեռք մի փոխեր է, տասն տասն թիւ աւելցընելով, որպէս զի կոնդակին ներքև գրուած Կոստանդին կաթողիկոսի թուականին յարմարին. ըստ այնմ և ամառն օրը յանուարի ԺԷ ըրեր է, բնագրին մէջ ինչ ըլլալն չիմացուիր: